



Na osnovu člana 7. Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) i članova 11. 12. 27. i 42. Statuta Bošnjačkog nacionalnog vijeća u Republici Srbiji, Izvršni odbor Vijeća na 3. sjednici održanoj 14. februara 2019. godine, donosi

**ODLUKU
O NAKNADI ZA VRŠENJE DUŽNOSTI U
BOŠNJAČKOM NACIONALNOM VIJEĆU U REPUBLICI SRBIJI
I ORGANIMA VIJEĆA**

Član 1.

Ovom odlukom uređuje se pravo na naknadu, visina naknade i uslove za ostvarivanje naknade, predsjedniku, potpredsjednicima Vijeća, predsjedniku, potpredsjedniku kao i članovima Izvršnog odbora Bošnjačkog nacionalnog vijeća u Republici Srbiji.

Član 2.

Predsjednik i potpredsjednici Bošnjačkog nacionalnog vijeća u Republici Srbiji, kao i predsjednik, potpredsjednik i članovi Izvršnog odbora Vijeća imaju pravo na:

- 1) Naknadu za vršenje dužnosti predsjednika i potpredsjednika Vijeća, kao i predsjednika, potpredsjednika Izvršnog odbora Vijeća;
- 2) Naknadu za troškove prevoza radi prisustva i učešća u radu na sjednicama i sastancima.

Član 3.

Predsjedniku i potpredsjednicima Vijeća, predsjedniku, potpredsjedniku i članovima Izvršnog odbora Vijeća pripadaju naknade za rad i vršenje dužnosti u Vijeću u sljedećim iznosima:

- 1) Članovima Izvršnog odbora Bošnjačkog nacionalnog vijeća u Republici Srbiji pripada mjesečna naknada za vršenje dužnosti u iznosu od 19.000,00 dinara;
- 2) Potpredsjedniku Izvršnog odbora Bošnjačkog nacionalnog vijeća u Republici Srbiji pripada mjesečna naknada za vršenje dužnosti u iznosu od 21.000,00 dinara;
- 3) Predsjedniku Izvršnog odbora Bošnjačkog nacionalnog vijeća u Republici Srbiji pripada mjesečna naknada za vršenje dužnosti u iznosu od 24.000,00 dinara;
- 4) Potpredsjednicima Bošnjačkog nacionalnog vijeća u Republici Srbiji pripada mjesečna naknada za vršenje dužnosti u iznosu od 24.000,00 dinara;
- 5) Predsjedniku Bošnjačkog nacionalnog vijeća u Republici Srbiji pripada mjesečna naknada za vršenje dužnosti u iznosu od 40.000,00 dinara

Član 4.

Naknada za troškove prevoza radi prisustva i učešća u radu na sjednicama i sastancima Bošnjačkog nacionalnog vijeća u Republici Srbiji isplaćuje se u visini stvarnih troškova prevoza u javnom saobraćaju od mjesta stanovanja do mjesta održavanja sjednice organa i tijela Vijeća i to nakon održavanja sjednice.

Naknada troškova za prevoz sopstvenim automobilom iznosi 10% od propisane cijene za jedan litar pogonskog goriva po pređenom kilometru nakon održavanja sjednice ili sastanka.

Član 5.

Na kraju mjeseca, sekretar Vijeća na osnovu evidencije dobijene od Glavnog ureda Vijeća donosi rješenje o ispunjenosti uslova za isplatu naknada propisanih ovom odlukom.

Član 6.

Isplata ostvarenih naknada propisanih ovom odlukom vršit će se isključivo na tekuće račune u skladu sa Pravilnikom o finansijskom – materijalnom poslovanju Bošnjačkog nacionalnog vijeća.

Član 7.

Ova Odluka stupa na snagu danom donošenja.

Ovu Odluku objaviti na oglasnoj tabli i internet stranici Bošnjačkog nacionalnog.

U Novom Pazaru, 14. februara.2019. godine.

Broj: 150A-09/2019

BOŠNJAČKO NACIONALNO VIJEĆE U REPUBLICI SRBIJI



IZVRŠNI ODBOR VIJEĆA

Predsjednik

Doc.dr. Hasim Mekić